

COLLEGIUM Salmanticense.

OBIIT Salmanticae frater vnus Theologiae studiosus, admissi alij non nulli, exercitationibus spiritualibus non pauci exculti, ex ijs adolescens nobilis sub ipsis nuptijs studiose, accurateq, diuina meditatus, rei fructum persensit, vt ipse testabatur, cum paucis à nuptijs mensibus, ad exitum vitae peruenisset. Alter è prima Academiae nobilitate, cum Dei ad sanctiora se vocantis internam admonitionem percepisset, concione permotus, quam de Christi nece à nostro sacerdote audiebat, flexus in genua voto se religionis obligauit; illoq, ipso die reuera ex nostris aedibus ad eius, quam voto conceperat, familiae coenobium se contulit. Erat nostris aedibus area publica coniuncta, quam etiam via publica interseabat, ea si nostri iuris esset, valde nostris vsibus esset opportuna: sed difficile videbatur, illius vsu, & viae commeatu priuare ciuitatem. Benigna tamen ciuitas, & nostri studiosa, non graue duxit eam nostris precibus concedere. Excursum ad opida vicinitatis huius maxima: confessiones innumerabiles auditae dissidentes multi reconciliati: & lucra iniusta restituta.

COLLEGIUM Compostellanum.

HABEMVS, & in Compostellano Collegio Seminarium alterum eorum, qui se ad eloquen-

542 COLL. COMPOSTELLAN.
 eloquentiam exercent. Eius hic alumnos discipli-
 nae habemus octo. exercentur accurate: ingenij,
 studijq. sui declamationibus, interpretationibus,
 alijsq. id genus exercitationibus specimen praebent.
 prima vero illorum cura est, fructus pietatis: in cu-
 ius ita studium incumbunt; ut tirocinij discipli-
 nam continuare videantur. Attexam huic loco
 scholarum reliqua, tenuem quidem, ac leuem ap-
 pendicem, sed quae magnorum contineat semina
 bonorum. Rogatu Archiepiscopi elementarios sus-
 cepimus erudiendos, eiusq. rei causa eiusdem li-
 beralitate Antistitis, duas exedras extruximus,
 quibus pueri excipiantur, legere doceantur, & scri-
 bere, & rudimenta Arithmetices: quibus rebus
 maxime tenuiorum indiget multitudo. Confluunt
 ad scholas non urbani solum, sed pagani etiam à
 decem, duodecimq. leucis. Non desuere initio, ut
 fieri solet, aduersarij: sed probata ciuitati utili-
 tate, irrito conatu destitit. nam sinceræ animu-
 lae Christianae fidei rudimentis imbuuntur: quae
 cum in schola didicere, domi ipsi docent alios: ita
 sensim diuini cultus initia per tenerae aetatis pue-
 ros in familias inseruntur, ac propagantur. Stu-
 dium audiendi sacra, rosaria percurrendi, aliq.
 sacri ritus, aliasq. pias consuetudines a pueris im-
 bibunt adulti. Et iam, postea quam nostri puerilem
 hanc institutionem susceperunt, cantilenae turpiores
 per vicos, & plateas obtinuerunt. haec siquidem ci-
 uitati vniuersae multo maioris momenti visa sunt,
 quam quae ab aduersarijs obtendebantur. quin ip-
 si aduersarij rei utilitatem admirantur. Maiores
 etiam, quam pro facultate, ipsi pueri susceperunt spi-
 ritus, maioraq. ausi sunt, quam per aetatem posse
 videbantur: nam pumiliones, instar gigantum, sal-
 tare

tare didicere: Comoediam de sacrosancta Eucharistia, quibus ferijs ea solemnia celebrantur, in scena egerunt, spectante Archiepiscopo, vniuersaq. ciuitate: & plausum tulere, & admirationem. praeclarum sane specimen in tam molli aetate ingeniorum; nec minus institutorum industria laudanda. & habet haec quoque popularitas ad maledicorum ora abstruenda magnam vim. Ad ordinarias superiorum annorum conciones postulauere Quaesitores fidei, ut aliam sibi quadragenario tempore, quaque saltem hebdomada semel adderemus. Per idem tempus quarta, & sexta feria ad eos, qui Academiam frequentant, aliosq. confluentes, de pietate disputatum, argumento petito ex sanctorum virorum historia: secundum eam disputationem psalmus quinquagesimus lugubri harmonia canebatur: cantui comitabatur verberatio. Excursus in remotiores terras, à cultu, & commercio se iunctas: rudesq. populi magnam nostris hominibus de se bene merendi occasionem praebuere. Anni sterilitas attulit insalubritatem; multiq. tum ciues, tum externi graui morbo laborarunt; ut non animis solum, sed etiam corporibus à nobis aegri remedia exigerent: neque nostri opem suam indigentibus, etiam supra collegij facultates denegarunt. sed ne illi quidem contagionis expertes fuere. omnes enim ad unum decubuerunt. quatuor praecipue periculose aegrotarunt; qui tandem Dei beneficio conualuere. & fuit sane post tot pericula, haec incolumitas opportuna, ad opem nostris ferendam, qui huc è regia classe, afflictà valetudine se recoperunt; nam haud ita multo post elassis in portum Ferrulensem, non procul ab hac vrbe, se recepit hiematum, è qua nostros aegrotos huc trans-
 portan-

portandos curauimus. tres tamen in ipso portu, ante quam ipsis possemus opem ferre, praecurrente vi morbi celeritati nunciorum diem suum obiere: P. Laurentius Figueroa, P. Didacus Abulensis & Ioannes Anglus frater adiunctus illis comes. Sacerdotem alium è Toletana Prouincia sedo naufragio tempestas absorpsit. qui tamen potuisset in aliud nauigium transcendere, quo inuitabatur, & periculum vitare; ne tamen vectores suae nauis extremam opem in ipso mortis turbine postulantes desereret generosa animi magnitudine, & inuicta caritate se ipsum dedit in discrimen. Qui huc se receperunt afflictam recrearunt illi quidem valetudinem: sed morbi adhuc reliquijs haerentibus nondum plane conualuere. Vnus ex Betica Prouincia sacerdos magno nostro, classiariorumq. dolore extinctus est: erat enim ob egregiam virtutem classis Praefecto Martino Padillae, nostrae Societatis amantissimo percarus. Domi exaedificata sunt cubicula aliqua, & triclinium absolutum. nunc in summa aedium parte menianum cum pergula extruebatur, ad coeli, agriq. prospectum, & ad amenitatem, hilaritatemq. fatigatorum; praesertim si quando diebus feriatis nostri pluuijs, quae frequentes esse solent in hac terra, domo exire prohibentur. Leuatum est etiam Collegium pensione, quam ex parte nostri census diuendita quotannis persoluebat, pretio emptori restituto. Laudanda profecto diuina bonitas, quod tot incommodis afflictis, impensa etiam aedificationis grauatiss, facultas quoque aeris alieni dissoluen- di suppeditauerit.